



Anna Wangenheim
Inatsisartuni ilaasortaq, Demokraatit

**Akissuteqaat § 37 naapertorlugu apeqquteqaatinut nr. 131/2022-imut –
ilinniartitaaneq, corona aamma timersorneq pillugit**

15-07-2022
Suliap normua 2022 - 14035
Akt nr. 20575990

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Anna Wangenheim,

Qujanaq apeqquteqaatinut, Inatsisartut suleriaasianni aalajangersakkat naapertorlugit tunniussannut. Taakkua uani ataani akissuteqarfigissavakka.

Apeqqut 1: UPA 2022 27. April 2022 apeqqarissaartoqarnerani Corona peqqutigalugu nappaalasoqarneranut atatillugu meeqqat atuarfiat matoqqanikuusimanagera pillugu atuartut arlaatigut sunnertissimanersut misissorneqarnissaanut Naalakkersuisoq akisussaaffimmik tigusiniarluni neriorsuvoq. Misissuineq qanoq ittoq aallarnisarneqassanersoq Naalakkersuisoq paasissutissiisinaanerluni?

- a. Misissuineq qaqugu aallarnisarneqassanersoq Naalakkersuisut naatsorsuutigaat?
- b. Misissuinermit inernerit qaqugumita saqqummiunneqarnissaat Naalakkersuisut naatsorsuutigaat?

Akissut: Piffissami apeqqarissaarfiusumi Naalakkersuisup apeqqutigineqartut qujassutigai ilisimatitsissutigalugulu Naalakkersuisut tamanna kingusinnerusukkut misissorumaaraat akissuteqarfigalutillu. Tamatumunnga atatillugu ilanngullugu ilaatigut ersersippaa tamanna ilaatigut pissuteqarmat pilersaarusiortoqaqqaartariaqarneranik, kiisalu aningaasartuutissanut matussutissarsisoqartariaqarmat, kiisalu ilisimasatigut innunillu suliasamik pineqartumik suliaqartussanik toqqaasoqaqqaartussaammat.

Peqqissutsimut Naalakkersuisoqarfiup ilisimatitsissutigisimavaa Ilaqtariinnut Peqqissutsimullu Ataatsimiititaliap ulloq 1. december 2021 nunatsinni nakorsaanermit paasissutissanik tigusaqarsimasoq atuarfinnik matusisimanermut atatillugu ataatsimut paasissutissiissutaasunik. Tassani ersippoq: "Atuarfinnik matusineq meeqqat tarnikkut atugarissaarnerannut ilikkagaqarsinnaassusiannullu annertuutigut kinguneqarsinnaavoq. Nunarsuatsinni nunanit allanit misilittakkat takutippaat matusineq tarnikkut ajornartorsiutinik annertuunik pilersitsisinnaasoq. Kiisalu ilanngullugu ajornakusoortuavoq alimasissumik atuartitsisarneq ingerlatiinnassallugu, amerlasuut pisariaqartunik IT-mut atatillugu atortorissaarutinik peqartanngimmata, aamma internet-imut attaveqaratik."

Peqqissutsimullu Naalakkersuisoqarfiup aamma ilisimatitsissutigisimavaa peqqissutsimut tunngasutigut paasissutissaateqaratik, misissuinermit tunngaviusutut atorneqarsinnaasunik, meeqqat atuarfianni atuartut nappaassuup coronap atuunnerani

atugarissaarnermikkut eqqorneqarsimasinnaanersut eqqarsaatigalugu. Naalackersuisoqarfiullu tamatumunnga atatillugu erseqqissaatigisimavaa nuna ataatsimut isigalugu atuarfinnik matusisarsimaneq assut killeqartumik coronamut atatillugu killilersuisoqarnerani pisarsimasoq.

Taamaattumillu Naalackersuisut pisariaqarluinnartutut isiginngilaat ajornartorsiutip tamatuma misissuiffiqineqarnissaa. Taamaakkaluatorli Naalackersuisut eqqumaffigaat pingaaruteqartuummat nappaassuup coronap kingunerisimasaasa paasisaqarfigisariaqarneri, tamatumani aamma iliuuserineqarsimasut meeqqanut inuusuttuaqqanullu qanoq atuartitaanikkut ilinniartitaanikkullu kinguneqarsimaneq eqqarsaatigalugit. Tamanna pisinnaavoq suliassaqaqfinni assigiinngitsuni, taamalu ilinniartitaanernik suliassaqaqfiup saniatigut aamma peqqinnissaqaqfimmilum isumaginnittoqaqfimmilu. Taamaattumillu Naalackersuisut piaartumik Naalackersuisoqarfiit ingerlatsiviusut akimorlugit oqaloqatigiissutiginiarpaat qanoq qulaajaaneq pineqartutut pissutsit kingunerisimasaat eqqarsaatigalugit tulluarnepaamik ingerlanneqarsinnaanersoq.

Apeqqut 2: *Nuummi timersorneq pillugu isumasioqatigiinneq maj 2022-mi suut angusarineqarpat?*

a. Isumasioqatigiinnermiit inernerit tunngavigalugit Naalackersuisuniit suliniutit suut aallarnisarnisarneqalerpat?

Akissut: Isumasioqatigiinnermi qulequtarineqartoq pingaarneq tassaasimavoq oqalligissallugu unammuaartarnerit maanna aaqqissuussaaneq. Isumasioqatigiinneq taamaasilluni qulaajaanermut unammilligassanik aammalu periarfissanik, allatut aaqqissuussamik imaluunniit annertusisamik nunatsinni timersornikkut katerisimaartarnerit ingerlanneqartalersinnaanersut eqqarsaatigalugu.

Naalackersuisut isumasioqatigiinnermiit inassuteqaatinik arlaqartunik tigusaqarsimapput, tamatumani aamma unammilligassat kiisalu periarfissat eqqarsaatigalugit. Suliassap tamatuma suliarineqarnera ingerlateqqikkumallugu suleqatigiissitamik Timersoqatigiit kattuffiat suleqatigalugu pilersitsisoqarpoq, tassanili siunnerfiulluni ataani qaaqquneqarsimasut suleqatigiissitami peqataanissaat. Suleqatigiissitaq sulinnigiffeqarneq qaangiuppat pilersinneqassaaq. Suleqatigiissitaq Naalackersuisunut ataatsimoortunik inassuteqaatinik saqqummiussaqaassaaq.

Kalaallit Nunaanni timersoqatigiit kattuffiat, KNR, specialforbundit, Elite Sport Greenland, kommunit kiisalu nunatsinni timmisartornermik imaatigullu angallassinermik ingerlatseqatigiiffiit Air Greenland aamma Arctic Umiaq Line isumasioqatigiinnermi peqataapput.

Apeqqut 3: *UPA 2022 27. April 2022 apeqqarissaartoqarnerani meeqqat tamarmik peqatigiiffinnut tamanut peqataasinnaanissaat qulakkeerniarlugu, ilaqutariit aningaasatigut ikiortariallit ikorfartorneqarnissaat anguniarlugu aaqqiissutinik misissuiniarluni Naalackersuisoq neriorsuuteqarpoq. Aaqqiissut taamak ittoq qanoq ingerlariuseqassanersoq Naalackersuisut qanoq eqqarsaateqarpat?*

a. Aningaasaliissut qanoq annertutigisoq tunniunneqartarnissaa sulissutigineqarpat?

Akissut: Naalakkersuisut eqqumaffigaat akisuujusinnaammat eqeersimaartumik timersuutit ilaanni peqataasarneq akisuujusinnaasoq, tamatumalu kingunerisinnaallugu akissaqanngitsut peqataanngiinnartarnerat. Taamaattumillu Naalakkersuisut kissaatigaat GIF isumasiussallugu pisariaqartitsinerlu qulaajaavigissallugu, aaqqiissutaasinnaasunillu ajornanngippat Naalakkersuisut pilersitsiumapput.

Apeqqu 4: *Naalakkersuisoq ilisimatitsivuttaaq meeqqat atuarianni ilinniartoqarfinnilu naligiissitaaneq qiviarneqassasoq, nukappiaqqat angutillu inissisimaffitigut arnaniit kinguarsimanerummata.*

Nukappiaqqat angutillu meeqqat atuarianniinnerat ilinniartuunerallu pitsaanagerusumik atugassaqqartikkumallugit Naalakkersuisut suliniutit suut pingaartitariniarpaat?

Akissut: Suliniutit aallunneqartut tassaapput periarfissanik pitsaanagerusunik inuusuttut inuussutissarsiutinut ilinniartitaanernik aallartitsisarnerannut pilersitsisoqarnissaa, ilinniartitaanernik aaqqissuussinitsinni aaqqissuussaankkut aporfiusinnaasut iliuuseqarfigiumallugit. Ullumikkut inuusuttut ilaatigut oqaatitsigut piumasaqaatinik naammassinnittarnerup saniatigut aamma sungiusaammik suliffissaminnut isumaqatigiissuteqareersimasussaapput, inuussutissarsiutinut ilinniartitaanernik aallartitsisinnaajumallutik. Aaqqissuussaantertigut aporfiusartut ilinniartitaanerit pillugit isumasioqatigiissitsinermi naqissuserneqarput aalajangiisuusutut inuusuttut, tamatumani aamma angutit inuusuttut inuusuttunut ilinniartitaanernut qinnuteqarsinnaanerannut aallartissinnaanerannullu. Inuussutissarsiutinut ilinniartitaanerni suliassat aallartinneqareerput.

Apeqqu 5: *Corona peqqutigalugu nappaalaneq kingunerisaanik nunatta atuarfeqarfiini misilittagarilersimasanik Naalakkersuisoq allanik paasissutissiisinaanerluni?*

Akissut: Marts/april 2020-imi matusigallarnermi siullermi Nuummi ilinniartitaanernik ingerlatsiviit (GUX aamma qitiusumik ilinniarfiit) neqerooruteqarput atuartut ilinniartullu qarasaasiatigut alimasissuimik atuartinneqartarsinnaanerininik, alimasissuimik ingerlatsineq atorsinnaassappat. Ilinniagaqartut amerlanersaat namminneq internet-imut attaveqaateqarput, Nuummilu atuartut matusineq sioqqullugu internet-imut attaveqanngitsut Ilinniartitaanermut Naalakkersuisoqarfiup aaqqissuussaank atavilersorneqarlutik. Matusineq qaangiummat internet-imut aqquataasut aamma atorunnaarput.

Inussiarnersumik inuulluaqqusillunga



Peter Olsen